

○日本逸史

三

廿四

天  
一  
号

Z/0.36

77

Vol 12



天津師範  
藏書  
所藏書目

新編  
藏書印

日本逸史卷第二十三

弘仁六年春正月癸酉朔皇帝御大極殿

受朝蕃客陪位宴侍臣於前殿賜御被國史

第七十一歲時部三 巳卯宴五位已上竝

渤海使奏女樂第七十一歲時部二 七日節會 是日正四

位下藤原朝臣緒嗣秋篠朝臣安人授從

三位從五位下額井王從五位上從四位

下紀朝臣廣瀆大野朝臣真雄從四位上

正五位下田口朝臣雄繼從四位下從五位上高階真人遠成紀朝臣梶繼高村宿禰田使藤原朝臣藤成正五位下從五位下藤原朝臣諸主大伴宿禰真城麻呂紀朝臣長田麻呂巨勢朝臣諸成高階真人真仲從五位上外從五位上高丘宿禰弟越正六位上藤原朝臣八綱藤原朝臣愛發和氣朝臣真綱多治比真人私成從六

莫一作英

位上甘南備真人高繼正六位上高賀茂朝臣里人橘朝臣氏公紀朝臣家長安倍朝臣諸根大伴宿禰宅麻呂從五位下正六位上廣階宿禰象麻呂廣井宿禰貞名御林宿禰清名廣澄宿禰福麻呂建玉部公豐益外從五位下

第九十九職官部四叙位四

渤海

國大使王孝廉授從三位副使高景秀正四位下判官高莫善王昇基正五位下錄

事以下賜祿有差散位從四位下田口朝臣雄繼卒少僧都傳燈大法師如寶卒大  
唐人也日本記畧庚辰正六位上石田王授從  
五位下國史第九十九職壬午任官日本記畧  
中納言從三位巨勢朝臣野足兼陸奧出  
羽按察使從四位下紀朝臣百繼任美濃  
守從五位上小野朝臣峰守任陸奧守從  
五位下攝朝臣氏公任左衛門佐公卿補任癸

未刑部省言各例律云除名者六載之後  
聽叙免官者三載之後降先位二等叙免  
所居官及官當者期年之後降先位一等  
叙公式令云犯罪除名未叙之間在本貫  
身死者申送刑部註除者今據此令除免  
之輩未叙身死不可更叙而本貫主司未  
嘗言上收之官無知存亡伏請告知職國  
爲例令言者許之國史第八十七甲申任

官日本記畧從五位下藤原朝臣愛發任兵部

少輔從五位下春宮少進和氣朝臣真綱

春宮少進清原真人長谷竝轉大進丙戌

從三位春原朝臣五百枝任下野守從四

位下藤原朝臣綱繼任右京大夫公卿補任丁

亥制攝津美濃丹波播磨等國夷俘身帶

五品願見節會者與國解放之自餘不在

故例又崇福梵釋二寺者禪居之淨域仰

藍之勝地今聞道俗相集還穢佛地斲馬

牽牛犯汚良繁宜令近江國嚴加禁斷若

有不從制者五位已上錄名六位已下雷

身普言上國史第百九十九風俗部倅囚及第百八十二佛道部九禁寺邊

戊子御豐樂院宴五位已上及蕃客奏踏

歌賜祿有差第七十一二歲時部已丑御馬

場殿觀射第七十一二歲時部壬辰任官於

朝集堂饗王孝廉等賜樂及祿日本記畧癸巳

日本通史卷第二十三

發尾張參河美濃越前但馬美作備前等  
國役夫一萬九千八百人修理朝堂院其  
食竝往還路糧竝用正稅第八十三政理部五免田租  
甲午渤海國使王孝廉等歸蕃賜書曰云  
云日本記畧壬寅授正六位下岡上連弟繼外  
從五位下國史第九十九職官部四叙位四  
二月戊申延大學博士及學生等於殿上  
立義賜祿有差日本記畧及江次第第七釋奠明日內論議也辛

亥越中介正六位上大伴宿禰黑成掾正  
六位上多治比真人清雄少自從七位下  
和邇部臣真嗣等免以盜官物也其守從  
五位上藤原朝臣鷹養大自正六位上上  
村主乎加豆良以身率死勿論其罪國史第八  
十四政理部是日下符云云見天長四年九月二十日  
格已未行幸交野庚申百濟王等奉獻五  
位已上竝六位已下及百濟王等賜祿有

差乙丑車駕自交野還庚午辛神泉苑花  
宴命文人賦詩侍臣及文人賜綿有差國史

第三十一帝主部  
十一天皇行幸下

三月癸酉制蕃國之使入朝有期客館之  
設常須牢固云云宜令彈正臺竝京職檢  
校甲申任官日本  
記畧辛卯敕軍用之要以馬  
為先今聞權貴之家富豪之輩通使於邊  
邑求馬於夷狄部內由其不肅兵馬於此

關之宜依延曆六年格禁賣陸奧出羽兩  
國馬若有犯違實以嚴科物即沒官但獻  
馬之色不在禁限國史第七十九政理部  
一禁制

云太政官符禁斷出馬事右中納言兼右  
近衛大將從三位行陸奥出羽按察使勳  
三等巨勢朝臣野足奏狀稱軍團之用莫  
先於馬而權貴之使豪富之民互相往來  
搜求無絕遂則耗煩吏民犯強夷條國內  
不肅大畧由之非唯馬直踊貴兼復兵馬  
難得仍去延曆六年下騰教符持立科條  
而年久世移狎習不遵聖請新下嚴制更  
增樂斷者被右大臣宣傳奉教宜強壯之  
馬堪充軍用者勿出國堺若違此制者罪

依先符物則設官但駮馬者  
不在禁限其出羽國宜准此  
丁酉置春宮

坊坊掌二員第一百七職官部  
十一春宮坊

夏四月壬子幸神泉苑癸亥幸近江國滋  
賀韓崎便過崇福寺大僧都永忠護命法  
師等率眾僧奉迎於門外皇帝降輿升堂  
禮佛更過梵釋寺停輿賦詩皇太弟及群  
臣奉和者眾大僧都永忠手自煎茶奉御  
施御被即御船泛湖國司奏風俗歌儻五

位己上竝據己下賜衣被史生以下郡司

己上賜綿有差國史第三十一帝主  
部十一天皇行幸下

五月甲申薩摩國蝗免調庸田稅租國史  
第八

十三政理部五免租稅及  
第七十三災異部七蝗是日尚膳從三

位永原朝臣惠子薨戊子渤海國使孝廉

等於海中值逆風漂回舟楫裂折癸巳令

越前國擇大船駕蕃客也日本  
記畧

六月庚子朔日本  
記畧式部少丞坂田朝臣弘



貞轉大丞公卿補任壬寅今畿內茲近江丹波

播磨等國殖茶每率獻之國史第三十一二帝王部十三頁

茶戊申下神宮竝國司符云云見二十二年八月十一日

日格癸丑渤海大使從三位王孝廉薨贈正

三位更賜信物竝使等祿以先所賜濕損

也戊午皇子源朝臣信弟弘常明女貞姬

索姬全姬善姬等八人右京人貫附左京

癸亥業子內親王薨遣使監護喪事賻絕

布錢等皇帝第一女也母曰二品高津內

親王是日山城國乙訓郡物集國背兩鄉

雷風壞百姓廬舍人或被震死先是有木

蛇入人屋即殺之未幾其人被震日本記畧甲

子詔曰天生黎元樹之司牧所以阜財利

用化成天下是以欲濟弊俗達旦不已思

使農夫有稔熟之歡婦功無杼軸之歎而

去五月以降雨水迸溢田疇不修夫百姓

日本通史卷第二十三

不足君孰與足宜俾左右京畿內無出今

年田租務存優恤副朕意焉今年免太宰

府管內諸國三箇年田租以頻年不登史國

第八十三政理丙寅播磨守正四位下賀

陽朝臣豐年卒年六十五日本

秋七月辛未任官日本丙子幸神泉苑命

文人賦七夕詩國史第七十三歲癸巳幸

神泉苑第三十一壬午立夫人從

三位橘朝臣諱嘉智為皇后夫人從三位

多治比真人高子為妃從四位下藤原朝

臣緒夏為夫人云云授從四位下藤原朝

臣貞嗣從四位上從五位下橘朝臣永繼

從五位上外從五位下朝野宿禰道守滋

野宿禰家譯從五位下事具皇后部○第

夫人及第九十九職官部四叙位四是日暴雨雷鳴庭際泛

溢參議宮內卿藤原朝臣緒嗣進就閣門

宣命云云贈皇后父正五位下攝朝臣淨

友從三位云云有任官事日本記畧從四位上

藤原朝臣貞嗣任皇后宮大夫從四位下

良峰朝臣安世任左京大夫受改貫左京

公卿補任丙戌論奏云云見七年正月十一日格是日復

慶雲格見承和二年七月三日格癸巳幸神泉苑甲午

諸國司遷替以四年為限日本記畧○續

日格云博士醫師教授之勞良有殊別選代成選并以六考為期見承和十二年六月

月癸未木  
宰府言

八月己亥朔日有蝕之幸丑遣使奉幣於

伊勢大神宮竝賀茂大神以霖雨不晴也

日本記畧甲子遊獵北野國史第三十二帝王部十二天天皇遊獵

九月庚午從五位下藤原朝臣愛發任中

務大輔公卿補任辛未任官是日少僧都常騰

卒年七十六日本記畧癸巳遊獵大原野五位

以上及國司掾以上賜衣被國史第三十二帝王部十

二 天皇  
遊 獵

冬十月庚子安房國獻蘆二枚長各三丈  
圍一尺日本記畧辛丑太政官符應前後官人  
共署不與解由狀事右太政官去大同二  
年四月六日下五畿內七道諸國符傳交  
替對檢情有不穩甄錄所執之旨載不解  
由狀前後共署限內言上不得彼此各近  
申請者今被右大臣宣傳諸司准此類聚三代

格第 壬子散事從二位百濟王明信薨丁

己散事從三位大原真人明日本記畧壬

戌遊獵栗前野五位己上賜衣被國史第

帝王部十一 是日敕親王內親王女御及

三位以上嫡妻子並聽蘇芳色象牙刀子

但緋色鞞靴一切禁制又禁女人著褐及

黃櫨漆等色唯節會日不在禁限五位己

上聽恒服飾刀六位己下不得以金銀為

飾內親王孫主及女御已上四位已上內  
命婦四位參議已上嫡妻子大臣孫竝聽  
乘金銀裝車自餘一切禁斷日本記畧  
十一月壬午從四位下多治比真人今麻  
呂任式部太輔公卿補任丁亥敕延曆格云斷  
決有正文順時肅殺不可虧違或過秋分  
節延入立春是既乘法式都無准的宜死  
罪者年終斷訖者今於行死刑秋冬無妨

而頃年有司必至年終乃奏刑書施行之  
後計其行程合入春月以到遠國宜自今  
以後十月初斷奏訖但始自十一月一日  
至于二月十日常行祭事不得令京官此  
限內決死刑國史第八十七刑法部一斷  
例○類聚三代格云太政官  
符應改申死罪期限事右太政官去延曆  
十四年八月十四日下刑部省符得省  
解傳斷決囚徒令有正文順時肅殺不可  
虧違今檢承前行事或過秋分節延入立  
春或輕罪之徒經歲月是既乘法式都  
無准的望請依令條流罪者不待時以且

斷中其死罪者悉待年終斷申謹請處分者右大臣宣奉敕待請者今被右大臣宣稱奉敕於行大辟秋冬無效而頃年有司者至羊終乃奏刑書施行之後計其行程合入春月以到遠國宜自今以後十月初斷奏訖但始自十一月一日至十二月十日常行祭事不得令京官此限內決戮刑政事要畧第二十五及第八十一亦載之

癸巳下諸國符云云 見九一年六月巳巳符及十三年四月

乙亥 甲午遊獵水生野五位已上及兩國掾以上賜衣被 國史第三十二帝王部十二天 是日

令諸國正稅帳計兩使便附朝集使不聽

別差使以省郵驛送迎 日本記畧

十二月癸丑遊獵芹川野 國史第三十二帝王部十二天

皇遊 是歲自五月及九月霖雨諸國多被其災也 日本記畧

其大志... 日本... 弘仁七年... 大極殿... 朝宴... 侍臣... 於前殿... 賜被... 癸酉... 宴群臣... 授三... 品葛原親王... 從五位上... 直世王... 正五位下... 從五位下... 高瀨王... 從五位上... 正六位上... 巨倉王... 從五位下... 正五位下... 坂上... 大宿禰... 鷹養高階... 真人遠成... 高村宿禰... 田使從

日本逸史卷第二十四

弘仁七年春正月丁卯朔廢朝雨也戊辰

皇帝御大極殿受朝宴侍臣於前殿賜被

國史第七十一歲時部 癸酉宴群臣授三

品葛原親王二品從五位上直世王正五

位下從五位下高瀨王從五位上正六位

上巨倉王從五位下正五位下坂上大宿

禰鷹養高階真人遠成高村宿禰田使從

四位下從五位上大伴宿禰入益佐伯宿禰長繼安倍朝臣雄能麻呂正五位下從五位下大伴宿禰彌繼藤原朝臣眞書藤原朝臣□路眞人牟繼海眞人有成安部朝臣寬麻呂三島眞人助□安倍朝臣豐柄物部匝瑳連足繼從五位上正六位上文屋眞人秋津清原眞人長谷多治比眞人清門紀朝臣席主橘朝臣繼成藤原

朝臣村田安倍朝臣眞度良坂田朝臣弘貞正六位下百濟王教貞從六位上佐伯宿禰弓繼和朝臣家主小野朝臣繼手麻呂正七位上布勢朝臣淨繼從五位下正六位上津宿禰梶吉螺江部繼人從六位下船連漆守從七位下高道連鯛釣玉作佐比毛知榮山忌寸百島外從五位下第九十九職官部是日任官日本丙子參議從四叙位四



三位文室朝臣綿麻呂任備前守參議從  
三位藤原朝臣冬嗣任近江守參議從三  
位藤原朝臣緒嗣任河內守參議從四位  
上紀朝臣廣濱任太宰大貳從三位春原  
朝臣五百枝任相模守從四位下良峰朝  
臣安世任右大辨兼美作守從四位下藤  
原朝臣三守任但馬守從四位下多治比  
真人今麻呂任下野守從五位上清原真

人夏野任讚岐守從五位下橘朝臣氏公  
任因幡介從五位下坂田朝臣弘貞任但  
馬介公卿補任戊寅太政官符國司並史生歷

五年爲限事右太政官今月十一日下陸  
奧出羽兩國符傳中納言兼右近衛大將  
從三位行陸奧出羽按察使勳三等巨勢  
朝臣野足奏狀傳謹檢按內依太政官去  
弘仁三年十一月十五日符件兩國史生

歷任五年爲限而據去年七月十七日論  
奏四年爲限唯西海一道五年如常愚臣  
商量邊要之設東西是同伏望兩國司等  
皆准西海道五年相替庶令忘遠路之疲  
專邊守之勤者右大臣宜奉敕依請又大  
政官符弩師歷任五年爲限事右太政官  
今月十一日下陸奧出羽兩國符傳中納  
言兼右近衛大將從二位行陸奧出羽按

察使勳三等巨勢朝臣野足奏狀稱謹檢  
按內依太政官去弘仁三年十一月十五  
日符兩國弩師歷任五年爲限而據去年  
七月十七日論奏四年爲限唯西海一道  
五年如常愚臣商量邊要之設東西是同  
伏望兩國弩師皆准西海道五年相替庶  
令忘遠路之疲專邊守之勤者右大臣宜  
奉敕依請

類聚三代  
格第五

壬午御豐樂院宴次

侍從已上賜祿有差

國史第七十一歲時部三十六日踏歌

癸未御豐樂院觀射

第七十一歲時部三十七日射禮

丙

戊從五位下清原真人長谷任宮內少輔

公卿補任

辛卯雨沙

日本記畧

壬辰遊獵栗前野賜

侍臣及山城國掾已上衣被

國史第三十一帝王部十

二天 遊獵

癸巳從五位下朝野宿禰鹿取任

主殿頭

公卿補任

二月丁酉朔日有蝕之已亥任官

日本記畧 從

四位下多治比真人今麻呂任左京大夫

從四位下紀朝臣百繼任兵部大輔式部

少丞橘朝臣常主轉大丞

公卿補任

甲辰任官

日本記畧

壬子幸于交野

國史第三十二帝王部十二天皇遊獵

是日律師傳燈大法師位勝美卒

日本記畧

丙

辰遊獵於水生野授從四位下百濟王教

德從四位上從七位下百濟王勝義從五

位下賜陪從五位已上山城河內攝津三

國掾已上衣被施捨佐爲百濟粟倉三寺

各綿一百屯是日車駕至自交野國史第

帝主部十一二天 戊午於後宮曲宴終日賜近

臣衣被第二十二帝王部辛酉幸典侍從

三位小野朝臣石子長岡之第命文人賦

詩授石子正二位无位高賀茂朝臣伊豫

人從五位下則石子之女也賜五位已上

衣被癸亥幸嵯峨別館命文人賦詩雅樂

察奏樂賜文人已上綿有差第三十一一帝

皇行幸下 甲子遷御於辨官曹司以修造禁中

也第二十一一八帝王部八天皇遷御

三月戊辰參議從三位文室朝臣綿麻呂

任右京大夫公卿補仕 庚午令太宰府每年進

絹三千匹乙亥任官乙酉散事從四位下

多治比真人明子卒年七十日本 丙戌授

勳六等吉彌侯部昔子外從五位下國史第百

九十風俗部倅因

是日僧寂澄上天台靈應圖及

本傳集十卷新集聖教序三卷涅槃獅子

吼品一卷丁亥典侍正三位小野朝臣石

子薨年七十一

日本記畧

壬辰是日民部宮內

兩省奉獻酒食並錢三百貫宴飲終日令

左右近衛射之隨中賜錢

國史第七十八卷奉獻部獻物

夏四月丙戌加造酒司史生二員

國史第百七職

官部十一二造酒司

庚子辨官奉獻雅樂寮奏樂賜

辨官吏生已上衣被

第七十八卷奉獻部獻物

是日太

僧都永忠卒年七十四

日本記畧

辛丑幸神泉

苑左右馬寮奉獻開錢四百貫令左右近

衛射中的賜錢

國史第三十一卷帝王部十一天皇行幸下

乙巳

右大臣從二位勳五等皇太弟傅藤原朝

臣園人上書請停今年五月節不聽之

第七

十三歲時部四五五月五日

己酉尚水從四位下川原女

王卒

日本記畧

庚申車駕還宮

國史第三十一卷帝王部十一天

皇行 幸下 癸亥散事從四位下藤原朝臣東子

卒日本 甲子木工寮奉獻賜侍臣及木工

允已上衣被國史第七十八 奉獻部獻物

五月戊辰太政官符應自京所入諸國國

分寺僧路次充供養并傳馬事右太政官

今月三日下七道諸國符偶依太政官去

延曆二年四月二十八日下七道諸國符

擇擢京寺之僧補入國分關而頃年間緇

徒去日唯授公驗不充食馬今被右大臣

宣傳印傳之設本備迺送空自今以後僧

身及童子一人令充供養公乘者諸國承

知依宣行之其給法在僧日米二升鹽二

勺徒日米一升五合鹽五撮立為恆例類聚

三代格 庚午御馬埒殿觀馬射國史第七

部四五 賜玄賓法師書曰賓上人凝思練

耶晦跡石室春向覺花而獨咲夏蔭提樹

而閑眠持戒之光自照燬宅護念之力普濟民衢比來炎熱禪居何以朕機慮之間不忘寤寐地遠心近一念即到錦繡綺羅不是得意之物白布三十端用助頭陀之資到即領之約文申意不勞多及第一百八十六佛道部十三施物僧已卯式部省言據延曆二十一年正月七日勅賀正不參五位已上莫預三節夫事君之道高卑同推懲殿之罪理

須盡一而今唯責五位以上不責六位以下因茲至于日時無人引進伏請自今以後奪春夏之祿肅不會之怠則朝儀有序憲章不墜者許之第七十一歲時部二元日朝賀庚辰太

政官符應收解由事右太政官去大同四年八月二十九日下彼省解由樣云得替解任遷任遭喪卒死等類若乖違者必擬却者頃年省勘一守此格今檢按內諸國

司等任符之例只錄後司不註前人因茲  
在外之官不知前宰之遷至於解由猶住  
解任責以違樣遂從勘返改正之間徒移  
日月蒙奪職祿今被右大臣宣稱務崇簡  
易古今通論空諸司遷他國及京官之人  
解由者解遷兩字相通收之類聚三代  
格第五  
六月己酉外從五位下勇山連文繼授從  
五位下皇帝受史記於文繼至是而畢仍

有此授

國史第二十八帝王部八天皇讀  
書及第九十九職官部四敘位四

丙辰伊勢大神官司從七位下大中臣朝  
臣清持有犯穢並行佛事神祇卜之有崇  
科大被解在報賽見任國史第十九神祇  
部十九神官司  
是日少外記坂上忌寸今縫奉大臣宣頃  
年之間應供奉新堂會神今食小忌參議  
卜定一人供備神事其人有故更致關乏  
自今以後卜定數人備于所闕西宮  
記 庚申



幸大堰賜侍臣並山城國掾已上衣被國史

第三十一帝主部 壬戌神祇官言伐高島十一一天一皇行幸下

山陵樹崇見龜兆者勅朕情所敬唯在山

陵而有司不勤督察致斯咎徵求之國典

其刑非輕自今以後嚴加禁斷第三十六帝主部十

六山陵

秋七月庚午幸神泉苑觀相撲國史第七十三歲時

部四 戊寅廢鑄錢司第一百七職官部 癸未相撲

勅風雨不時田園被害此則國宰不恭祭

祀之所致也今聞今茲青苗滋茂宜敬神

道大致豐稔庶俾嘉穀盈畝黎元殷富宜

仰畿內七道其官長清慎齋戒奉幣名神

禱止風雨莫致漏失第十一神祇部十一 乙酉山

城國紀伊郡飛鳥田神真幡寸神預官社

例並鴨別雷神之別也日本 已丑宴後庭

賜皇太弟寶琴侍臣等衣被國史第三十一

二天、皇遊宴及第  
七十七音、樂部琴

八月甲午朔、勅夷俘之性異於平民、雖從皇化、野心尚存、是以先仰諸國、令加教諭、今因幡伯耆兩國俘囚等、任情入京、越訴小事、此則國吏等撫慰失方、判斷乖理之所致也、自今以後、篤加訓導、有如此者、專當國司准狀科處。國史第一百九十一風俗部俘囚 乙未奉幣於伊勢大神宮。第三神祇部三伊勢大神宮 癸卯正

七位上田口朝臣當持授從五位下。第九

職官部四 已酉夜大風倒羅城門京中諸

國亦多被害賜諸衛見侍者祿。日本記畧 癸丑

敕玄賓法師住備中國哲多郡苦行日久

利益可稱宜法師有生之時間彼郡庸者

停未進鐵以省民費。國史第一百八十五佛道部十二高僧 丙

辰公卿奏言上總國夷瀆郡官物所燒准

額五十七萬九百束正倉六十字刑部省

斷罪言檢燒損使散位正六位上大中臣朝臣并作等申稅長久米部當人臨失火時逃亾自殺准量意況豈無所犯忽自引乎可謂當人侵盜官物謀而放火者省按律當人所犯罪當絞刑而其身自殺仍更不論但所任守小野朝臣眞野介茨田宿禰文足等就政日淺此火之起不緣不肅仍按延曆五年八月七日格不問神火

人火令當時國司郡司及稅長等已上依數填備然則雖實神災猶令當時公廩填納蓋以公廩之設本爲欠負故也須在任國司郡司及稅長等共填備之者省斷如此臣等尋檢法意外從五位下守大判事物  
中原宿禰敏久申法家者如此事類禁得其身則目備儻若資財乏盡役身相折然而不得過五歲年限旣滿贓物未

填卽從原免斯則公家有損無益是以延  
曆五年格令不論神火人火以當時公廨  
填之良□負之設在後人也前人去職  
不更追咎者官議商事不穩使所以者何  
格云正倉被燒未必由神何者諸弟之徒  
害傷人而相燒監主之司避虛納以放火  
因茲觀之格之大體責歸虛納也又選用  
郡司前人之所行□司乍到雜務未分

雖領印鑑交替未畢在於□間會逢失  
火前司則寄言去職專避其咎新任則□  
□當時獨以勞填夫虛納者舊時之怠也  
公廨者後□之料也有怠則默然免罪責  
無怠卽每年奪料物以無怠之料備有怠  
之損事之爲緒不近物情今臣等商量事  
有大小政有閑忙是以分付受領既立程  
期今前司全成雖去職是收納之當時也

後託真野雖領印鑑而見災之當時也驗  
格意則疑涉虛納何者行火自殺責以填  
備則不緣不肅何者到任日淺凡交替之  
事限內未畢則空言其由縱令無故過百  
二十日然後火起則後任官司更無所禱  
而就位以降十有餘日曆任不幾至于獨  
填誰甘心前怠後責伏聞天裁者奏下第八  
十四政理部丁巳幸冷然院命文人賦詩  
六燒官物

賜侍臣祿有差庚申幸嵯峨別館第一三十一

部十一一天信濃國言去年不登國內食乏

伏請穀一萬斛交開商布以救窮幣者許

之第八十政理部辛酉幸嵯峨命文人賦詩

奏樂賜侍臣並山城國掾已上衣被第一二

帝王部十一一天天皇行幸下

九月丙寅聖體不豫國史第二十四帝王部

戊辰奉幣於伊勢大神去八月十六日夜

為停大風所禱也

第三神祇部三伊勢大神宮

辛未停

九日節以聖躬不平也

第三十四帝王部第十四天皇帝不豫及

第七十四歲時部五九月九日

乙酉太政官符應增加水

部十二人

並名負雜色人

右得宮內省解備主水

司解備水部員三十人今供奉御并平城

宮皇后宮而其數少不足宛用望請增加

件員數將令直皇后宮者中納言從三位

兼行兵部卿藤原朝臣繩主宣奉敕依請

職員令集解

丁亥敕上總國夷瀆郡官物五十

七萬餘束既被燒失今緣有所念醫師已

上咸從免除郡領已下依例令填

國史第八十四

政理部六燒區官物

冬十月甲午散位從四位下多朝臣入鹿

卒延曆十二年任少外記十五年二月任

式部少丞十六年正月兼播磨大目遷權

少掾十七年正月轉少掾叙從五位下二

月任兵部少輔二十年任少納言二十一年任近衛將監大同元年四月轉近衛少將兼武藏權介六月任左少辨八月任中衛中將二年正月任近衛少將七月兼尾張守八月兼上野守十一月兼木工頭三年正月任右中辨敘正五位下二月任民部少輔四年六月敘從四位下九月任左京大夫兼山陽道觀察使止右中辨弘仁

元年正月兼相模守六月停觀察使為參

議九月解任左降讚岐權守卒時年五十

八日本記畧及公卿補任己亥地震國史第百七十一災異部五地

異辛丑勅延曆二十年格云荒服之徒未

練風俗狎馴之間不收田租其徵收限待

後詔者今夷俘等歸化年久漸染華風宜

授口分田經六年已上者從收田租第八

政理部五免田租及第百五十九田地十一癸

日本通史卷第二十四 十七

卯施玄賓法師綿百屯

第百八十六佛道部十一三施物僧

甲辰太宰府言新羅人清石珍等一百八

十人歸化宜賜時服及路糧駕於便船令

得入京

日本記畧

乙卯太政官符應出舉靈安

寺料稻四千束事右大臣宣奉敕如聞

者此寺構作年久徒有伽藍之名未修說

法之事宜割正稅四千束每年出舉用其

息利充春秋悔過并修理料

類聚三代格第八

己

未任官

日本記畧

參議從三位藤原朝臣冬嗣

任權中納言從四位下良峰朝臣安世藤

原朝臣三守並任參議

公卿補任

辛酉授无位

石作王從五位下

國史第九十九職官部四敘位四

十一月壬戌朔任官

日本記畧

參議從四位下

良峯朝臣安世任近江守從五位下橘朝

臣氏公任美作守從五位下朝野宿禰鹿

取任因幡介

公卿補任

乙丑太政官符應令依



法處分損田事右太政官去大同元年十一月二日下諸國符傳畿內東海北陸山陰南海五道觀察使奏傳檢太政官去延曆廿二年七月十五日符傳右大臣宣奉敕夫益國利人古今通典而前例後格其乘適中仍取捨彼此更立新制今須天下田租戶別立率常免二分令輸八分其有損七分已上戶者大國四十九戶已下上

爲賦  
役令  
集解  
作收

國三十九戶已下中國二十九戶已下下國十九戶已下以爲限制若損七分已上戶國內總依此限及損五分有多少通計不過一分者令國司檢實處分通前爲三分已下至其納官之數定爲七分已上若凶年損過此法即准例申官聽裁者據此准量五分已上明有其限四分已下未見所由縱令有甲授田一町十分而論見損

四段又有乙損三段而諸國覆損使等確執格旨不勞三四分百姓爲患莫過於斯望請收租之法復依三不得七之舊例但四十九戶之差一依格行者右大臣宣奉敕依請者諸國承知依宣行之者今被右大臣宣稱奉敕定損之法格文灼然而或國司不必其人於損四分已下之田盪起疑論更煩聽裁空演格旨令人易知仍須

檢損之體先檢見損通計國內不過三分

即令國宰處量如超此法乃以申官政事要畧

第六十 巳丑右諸衛府奉獻奏樂賜次侍從

巳上綿有差國史第九十九職奉獻部獻物

十二月壬辰朔巨勢朝臣野足授正三位

國史第九十九職 是日任官日本記畧 參議從

三位文室朝臣綿麻呂任右近衛大將公卿

補任 丙申外從五位下鴈高宿禰等繼授從

五位下

國史第九十九職  
官部四敘位四

乙巳中納言正

三位勳三等巨勢朝臣野足薨參議從三位兵部卿堺麻呂孫正四位下式部大輔左中辨河內守苗麻呂一男也延曆九年十月敘從五位下爲鎮守府將軍十一年九月兼陸奥介十四年二月敘正五位下十五年十月兼下野守十九年七月任兵部大輔二十年十一月敘從四位下二十

一年四月兼內藏頭二十二年正月兼上野守大同元年正月任左衛門督四月遷左兵衛督五月兼左京大夫二年八月兼侍從三年正月敘從四位上五月兼近江守十一月兼春宮大夫四年二月遷左近衛中將四月敘正四位下弘仁元年三月補藏人頭八月兼中務大輔九月任參議十月兼備中守二年六月敘從三位勳二

等即兼右近衛大將七月兼備前守三年  
正月任中納言六年正月兼陸奥出羽按  
察使是年敘正三位止右近衛大將薨時  
年六十八公卿補任壬子下符云云見八年十一月二十  
五日格

日本逸史卷第二十四

